

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars secunda, hoc est:
Solida, ad descendam & exercendam, ex evangeliis tam
dominicalibus quam festivalibus Christi & sui-ipsius
notitiam, informatio**

Creide, Hartmann

Francofurti ad Moenum, 1682

Exordium

[urn:nbn:de:bsz:31-126164](#)

sunt; qui salutem suam non querunt in operibus: sed unicè propitiatorio sacrificio Christi per fidem innituntur, quod praestit pro peccatis totius mundi, 2. Joh. 2. v. 2. & hoc ipso consummavit in sempiternum eos, qui sanctificantur, Hebr. 10. v. 14.

Si hoc ita feceritis nunquam confun-

demini, omnia enim possibilia sunt credenti, Marc. 9. v. 23. Dic novissimo audie-
tis ex ore ejus svavissimum illud Venite
benedicti patris mei. Largiatur id
nobis Deus omnibus,
Amen.

In festo die D. Bartholomæi Apostoli.

Evangelium Luc. 22. v. 24. 30..

EXORDIUM.

Postquam Iuda cum nuru sua Thamar illicite concubuisset, instante partu apparuerunt gemini in utero ejus. Atque in ipsa effusione infantium unus protulit manum, in qua obste- trix ligavit coccinum, dicens: *Iste egredietur prior.* Illo vero retrahente manum, egressus est alter, dixitq; mulier: *quare ru- pisti propter te rupturam?* & ob hanc cau- fam vocavit nomen ejus Pharah, i. e. divi- sio, diruptio. Alterum vero appellavit Zahrah, i. e. oriens, quia prius se ostenderat, Gen. 38. v. 13. 28.

Hac mystice explicabimus.

Nos omnes dilecti! ejusmodi *meretri- cem in sinu nostro habens;* quæ est carna- lis concupiscentia, militans adversus animam, 1. Petr. 2. v. 11. *hæc,* quando à Diabo- lo vitiatur, non modo gemellos, sed mul- totos filios & filias in lucem edit. Sicut in- *Vitis Patrum refertur;* quod *Diabolus ali- quando constituerit uxorem ducere:* & *postquam ei sponsa obtigerit,* nomine *Impietas,* se cum illa matrimonium iniis-

se, & septem filias genuisse, quas deinde per mundum distribuerit, hominibusque clocaverit.

Primam appellatam esse *Arrogantiam,* quam Nobilitati & cæteris Magnatibus nup- tum dederit: illi enim plerumque abu- tuntur potentia suâ, dicentes: *Ego sum,* & extra me non est alius amplius, Sophon. 2. v. ult.

Alteram vocatam *Avaritiam,* negotia- toribus & mercatoribus eam despondisse, qui propter pecuarias delinquunt, & oculos suos avertunt, Sir. 27. v. 1.

Tertiam, *Falsitatem* dictam, junxisse Ru- sticis: licet enim hoc vitium aliis quoque familiare sit: attamen rusticorum pro- prium in quarto modo est, qui ab ipsis non decipitur, est quod gratuletur sibi, do- mus corum plenæ dolo, Jer. 5. v. 27.

Quartam, *Invidiam* nominatam, adjun- xisse Mechanicis, inter quos maximè frequens est: Contemplatus sum omnes labores & industrias operum, animadverti- patere invidiæ proximi, Eccl. 4. v. 4.

Dddd 3

Quin-

Quintam, nomine *Hypocrisis*, locasse Clericis, de quibus Christus ait, quod veniant in vestimentis ovium, intus autem sint lupi rapaces, Matth. 7.v.15.

Aduersa ferae, *Sextam insignitam Superbiam*, desponsatissime luxu feminino, à quo Superbia in omnes homines pervasit, Mulier enim seducta in prævaricatione fuit, 2. Timoth. 2.v.14.

Septimam & natu minimam filiam appellatam *Scortationem*, secum illum, velut carissimam, retinuisse, omnibusque prostituisse.

Quamvis igitur hoc diaboli connubium & elocatio filiorum ejus in genere, toti humano generi, magno incommodo est: at tamen *Superbia omnibus palmam præcipit*, & perrumpit, sicut Pharah fratri suo Zarah prævaluit, ut manum retrahere, illumque priorem emittere cogeretur. Superbia enim abscondi nequit, sed ex abundantia cordis os loquitur, Matth. 12. v. 34. idèo non incommodè Pharah, h.e. *Turbatrix* appellari potest, quia omnia in omnibus Hierarchiis turbat, juxta Poetam:

Inquinat egregios adjuncta superbia mores.

Hoc respectu facile concidere possumus, quid de eo sentiendum, quod Apostoli de primatu altercari voluerint, eo tempore, cum Dominus & Magister eorum mortem meditaretur: Nimurum Diabolus, qui Rex Superborum est, Job. 41, v.25. filiam suam Superbiam illis desponsare voluit: & nisi Christus se interponens conjugium illud prohibuisset, connubium nocentissimum contraxissent, & in æternum existim præcipitasent. Contritionem enim præcedit superbia, Prov. 16, v.18.

Nos absque longiori præambulo ad ipsam Evangelii tractationem nos accingimus, consideratur ex eodem:

L. Ληθωτολογια, sive notitiam nostram.
II. χριστιανια, sive notitiam Christi.

J.J.

Exegesis.

Ecce, inter servos ejus non manserunt fidèles, & in Angelis suis deprehensa est stultitia, ait cum admiratione pius Job c. 4. v. 18. Quod non inconcinnè Apostolis, qui pro Christo legatione funguntur, applicari potest, 1. Cor. 5.v.20.

Sicuti autem non est homo, qui non peccet, 1. Reg. 8.v.46. Sic nec Apostoli immunes à peccato fuerunt: sed Dominus quandoque magnam stultitiam in eis deprehendit. Petrus disfusit Domino passionem, Matth. 16. v. 23. & tempore passionis Dominum abnegavit, Matth. 26. vers. 70. seqq.

Jacobus & Johannes vindictæ cupiditate perciti, Samaritanos igne coelitus deferendo extinctos voluerunt, quia Christo hospitium denegarant, Luc. 9. v. 54. ambitiosi quoque erant, ideoque primum in regno Christi, quod sibi imaginabantur terreno, desiderarunt, Matth. 20. v. 21.

Thomas peccavit per incredulitatem, Joh 20.v.25. *Philipps & Andreas* per difidentiam, Joh. 6.v.7. Alii alio modo deliquerunt; in universum vero omnes ambitione incensi, gloriam mundanam, in regno, quod somniarunt, Christi terreno affectarunt, hinc in prælecto Evangelio refertur